

ISTATUDU SOTZIU “COMUNA”

ISTATUDU SOTZIU “COMUNA”	1
PESADA	2
ARTICULU 1 – SA COSTITUTZIONI	2
ARTICULU 2 – IS TENTAS	2
ARTICULU 3 – IS SOTZIUS	2
ARTICULU 4 – DERETUS E DOVERIS DE IS SOTZIUS	3
ARTICULU 5 – STORRADA E ESCLUSIONI DE SU SOTZIU	3
ARTICULU 6 – IS ORGANUS	3
ARTICULU 7 – S’ATOBUI	3
ARTICULU 8 – S’ATOBUI DE IS SOTZIUS	4
ARTICULU 9 – SA SCRIIDURA	4
ARTICULU 10 – COMPONENTU DE SU DIRETTIVU	4
ARTICULU 11 – SU CONSILLU DIRETTIVU	5
ARTICULU 12 – SU PRESIDENTI	5
ARTICULU 13 – VICE PRESIDENTI	5
ARTICULU 14 – SU SEGRETARIU	5
ARTICULU 15 – SU CASCIERI	5
ARTICULU 16 – IS CAPASSIDADIS ECONOMICAS	5
ARTICULU 17 – BILANCIU	5
ARTICULU 18 – ISOLVIMENTU E DEVOLUTZIONI DE IS BENIS	6
ARTICULU 19 – ARREGULAS FINALIS	6

Pesada

Su sotziu “Comuna” ponit a pari feminas e ominis de Sardinnia, chi creeint in is baloris de s’onestadi, de s’egualidadi, de sa libertadi, de sa paxi, de sa solidaridadi e de sa mancebatzioni. Sa tenta nosta est de costruiri una sociedadadi de liberus e egualis. Po custa arrexoni, si poneus a pari in sa forma de su sotziu, po agiudai sa Sardinnia cun is cumpetentzias nostas, de una manera organizada e sistematica, aici ca totus cussus chi ddas apprezziant dda potzant imperai.

Articulu 1 – Sa Costitutzioni

1. Est fundada, sighendi is articulus 36 e sighentis de su codixi tzivili italianu e sa normativa chi pertocat is sotzius de promotzioni sotziali, su sotziu chi ddi nant “Comuna”, cun sedi in su Comune de Casteddu, bia Garibaldi 213
2. Sa durada de issa est istremenada

Articulu 2 – Is tentas

1. Su sotziu est apartitidu, democraticu, no tenit sa tenta de ddi guadangiai e fait atzionis de utilidadi sotziali po is sotzius e is atrus, arrespetendi su prus chi si podit sa libertadi e sa dinnidadi de is sotzius e is principius de pari bagas.
2. Is tentas chi si ponint ainnantis funt:
 - Assettai e tenni parti a propostas e attivadas chi agiudint a s’emancipazioni de is subalternas e is subalternus in Sardinnia;
 - Assettai attivadas chi tenint sa tenta de afortiai su fundoriu de is sardus e, pruschetotu, de is crassis subalternas, po importai arresurtas de protagonismu derettu in s’economia, sa sotziedadi, sa politica e sa cultura;
 - Assettai e participai a attivadas chi agiudint s’emancipazioni de is subalternas e is subalternus in Sardinnia;
 - Assettai attivadas de istudiu, cunvennius e circas a pitzus de su sistema de problemas economicus, culturalis, sotzialis e politicis de Sardinia;
 - Assegurai attivadas de documentazioni a pitzus de is movimentus popularis e de is espressadas insoru in Sardinia, in Europa e in su mundu;
 - Assettai e coordinai attivadas de pesadia culturali e politica, cun sa tenta de profundai is chistionis chi pertocant sa Sardinia, puru fundendi tzentrus territorialis.
3. Po arrennesci in is tentas cosa nosta su sotziu impita tottus is ainas de comunicazioni de niassii e traballat cun sotzius pubricus e privaus, sotziedadis, istituzionis e atras organizazionis. Su sotziu organizat puru attivadas de festa, de istudiu e residentzialis. Su sotziu traballat cun istituzionis privadas e pubricas interessadas in is matessis temas, puru chi cussus si ddu pedint. Su sotziu organizat cursus de formatzioni e busca de noas.
4. Su dinai de is attivadas no podint, de nisciuna manera, essit pratzius aintrus de is sotzius, nimmancu de una manera indiretta.

Articulu 3 – Is sotzius

1. Podint fai parti de su sotziu tottus cussus chi siant diaccordiu cun is tentas de su sotziu e chi bolant traballai po ddus sodigai
2. S'organu chi depit deliberai a pitzus de is preguntas de intrada est su consillu direttivu. S'arrecusa depit tenni un'arrexoni, posta po iscrittu. Chini pedit s'intrada, in sa pregunta da intrada, deppit ponni tottus is propius datus personalis

Articulu 4 – Deretus e doveris de is sotzius

1. Is sotzius tenint deretu a nominai is organus sotzialis e at essi nominaus in cussus
2. Tottus is sotzius tenint deretu a is noas e a su cuntrollu stabilessiu de sa lei, pruschetotu is sotzius tenint deretu de biri is documentus, is deliberatzionis, is bilancius, su contu e is registrus de su sotziu
3. Is sotzius deppint donai su dinai in su tempus cuncordau e depint arrespetai s'istatudu e, chi c'est, su s'arregulamentu intranabbile
4. Is atzionis de is sotzius versu is atrus sotzius e a foras de su sotziu deppint essi animaus de unu spiritu de solidaridadi e deppint essi giustus, impositaus a sa bona fidi, s'onestadi, sa balentia e su rigori eticu, in s'arrespettu de custu Istatudu e de is tentas de su Sotziu

Articulu 5 – Storrada e esclusioni de su sotziu

1. Su sotziu si ndi podit bogai de su Sotziu cun dd'una missara scritta, mandada a su presidenti
2. Su sotziu podit essi esclusiu de su Sotziu po is occasionis chi s'ghint:
 - a) su pagamentu no at tentu logu po 12 mesi pustis de s'obrigu de pagai;
 - b) arrexonis gravis chi potint dannu meda, morali e materiali, a su Sotziu.
3. S'esclusioni est votada de s'atobiu de is sotzius, pustis chi sa persona de giugi at fueddau. Sa deliberatzioni de s'esclusioni, cun is arrexonis de s'atzioni, depit essi mandada a sa persona interessada cun postali e documento AR o PEC (posta eletttronica certificata)
4. Is sotzius storrados e/o esclusius no podint pediri de ndi torrai su dinai donau, e no tenint nisciunu deretu a pitzus de su s'interessu de su Sotziu

Articulu 6 – Is organus

Funt organus de su sotziu:

- s'atobiu, su direttivu, su presidenti, su vice-presidenti, su segretariu e su caschieri.

Articulu 7 – S'atobiu

S'atobiu est formau de is sotzius fundadoris, de is sotzius chi si funt aciungius cumenti fundadoris e is sotzius normalis. Funt sotzius fundadoris is personas fisicas chi ant fundau su sotziu.

Podint intrai cumenti sotzius fundadoris is personas fisicas presentadas de, a su mancu, duus sotzius fundadoris; cun-dd'una pregunta motivada, chi depit passai a su mancu cun duus de tres votus de is sotzius fundadoris.

Po s'annu primu no est possibili intrai cumenti sotziu ordinariu.

Po intrai in su sotziu cumentu a sotziu ordinariu tocat a presentai una pregunta formali, scritta, a su direttivu ses mesis agoa de sa discussione de sa pregunta. In sa pregunta nci depit essi s'impinnu a arrespettai is arregulas de s'istatudu.

Articulu 8 – S'atobiu de is sotzius

1. S'atobiu de is sotzius est intzerriau de su Presidenti, pustis de una detzisioni de su consillu direttivu, a su mancu trinta diis antis de sa dii scioberada po s'atobiu. In s'avisu de su convocu depint essi postus s'ora, su logu de s'atobiu e is puntus de discussioni in sa lista de sa dii. S'atobiu podit essi intzerriau pustis una pregunta de, a su mancu, unu de tres de is sotzius
2. S'atobiu de is sotzius annomngiat su consillu direttivu, su presidenti, su vice-presidenti, su segretariu e su caschieri.
3. S'atobiu de is sotzius ordinariu si format, in su primu convocu, candu nci funt sa majoria de is sotzius chi pondint votai; in segundu convocu, chi si depit tenni in d'una dii differenti de su primu, calichisiat su numeru de is sotzius. Podint participai a is atobius totus is sotzius chi ant pagau sa parti sotziali
4. Is deliberatzionis de s'atobiu ordinariu benint pigadas cun sa majoria de is chi nci funt, e benint pigadas cun d'unu votu craru, foras de cussas chi pertocant is personas e is calidadis de is personas.
5. S'atobiu depit:
 - Passai su bilanciu de innantis e de pustis;
 - Fissai sa parti sotziali de s'annu;
 - Dezidiri is lineas generalis de is attividadis de s'assotziu;
 - Passai is arregulas de aintru, chi nci ddi funt;
 - Nominai su presidenti, su vice-presidenti, su segretariu, su caschieri e su consillu direttivu;
 - Dezidiri a pitzu de tottu is atras cosas chi funt cumpetentzia de su sotziu po una lei o po s'istatudu, o ponendi is cosas a s'atentzioni se su consillu direttivu

Articulu 9 – Sa scriidura

1. Is discussionis e is deliberatzionis de s'atobiu de is sotzius, de manera normali e desemplada, e de su consillu direttivu, funt postas, de manera strinta, in d'unu verbali chi benit iscrittu de su segretario o, chi no c'est, de unu de s'atobiu nommau po custu. Su verbali benit frimmau de su presidenti e de chini d'at iscrittu, in d'unu registru chi serbit a cussu, e beni cunservau in sa sedi de su sotziu.
2. Calichisiat sotizu tenit su deretu de biri su verbali e de ndi pigai una copia

Articulu 10 – Componimentu de su direttivu

Su consillu direttivu benit nommau de s'atobiu de is sotzius donni'annu. Su primu direttivu benit nommau, cun d'unu autu separau, candu nascit su sotziu. In su componimentu de su direttivu depit essi arrespettau su principiu de su duus de tres de zenia.

Articulu 11 – Su consillu direttivu

Su consillu direttivu, de arregula convocau obertu a tottus is sotzius, est delegau a detzidiri a pitzus de is attividadis de portai ainnanti e de is maneras de ddas portai ainnantis. Custas attividadis depint aggiudai a arribai a is tentas de s'assotziu

Articulu 12 – Su presidenti

Su presidenti tenit sa firma e sa rapresentantzia legali de s'assotziu faci a calichisiat autoridadi, de is giugis, amministrativa e facci a atras. Cun su segretariu, dirigit s'attivitadi de s'assotziu

Articulu 13 – Vice Presidenti

Su vice presidenti pigat su postu de su presidenti candu issu no nc'est o chi est impediutu cun arrexoni.

Articulu 14 – Su segretariu

Su segretariu preparati is verbalis de is atobius e su consillu direttivu, allogat is librus sotzialis e de su diani, fait andai innanti is deliberatazionis de su consillu direttivu e fait tottus is cosas delegadas de su presidenti

Articulu 15 – Su cascieri

Su cascieri depit ponni a menti a is gastus detzidius de su consillu direttivu, a arregolli is partis sotzialis e a preparai su bilanciu de pustis

Articulu 16 – Is capassidadis economicas

Is capassidadis economicas funt:

- Partis sotziaslis e dinai de is sotzius, de sa manera detzidida donnia annu de su consillu direttivu e votada de s'atobiu e passau cun su bilanciu in s'atobiu ordinariu;
- Erenzas, donatzionis e cosas similaris;
- Donnia atra intrada amitia de sa L. 383/2000

Articulu 17 – Bilanciu

1. Su bilanciu andat de su primu de gennargiu a su 31 de mes'e idas
2. Is bilancius depint essi preparaus de su cascieri, vtaus de su consillu direttivu e passaus de s'atobiu
3. Su bilanciu de pustis est passau de s'atobiu generali ordinariu cun votu craru o cun sa majoria detzidida de s'istatudu

4. S'atobiu po passai su bilanciu de pustis si depit tenni innantis de su 30 de abrili de s'annu chi benit pustis de sa serrada de s'esercitziu sotziali
5. Su bilanciu de pustis depit essi lassau a sa sedi de su sotziu a su mancu 20 diis innantis de s'atobiu de tottus is sotzius, chi ddu podint ligi
6. Su bilanciu de innantis est passau de s'atobiu generali ordinariu con is majorias chi funt s'istatudu
7. Su bilanciu de innantis depit essi lassau a sa sedi de su sotziu a su mancu 20 diis innantis de s'atobiu de tottus is sotzius, chi ddu podint ligi
8. Cussu chi abarrat de sa dirigidura de su bilanciu depit essi gastau po attividades istitutzionalis presidia de s'istatudu

Articulu 18 – Isolvimentu e devoluzioni de is benis

1. Po detzidiri a pitzus de su si isolvimentu de su sotziu e sa devoluzioni de is benis nci depit essi su votu a favori de a su mancu tres de cuatru de is sotzius tzerrius in s'atobiu
2. S'atobiu chi detzidit de s'isolvimentu de su sotziu nommat unu e prus liquidadoris e detzidit a pitzus de is benis chi abarrant de sa liquidazioni e 'totu, chi depit essi destinau a tentas sotzialis.

Articulu 19 – Arregulas finalis

Po tottu cussu chi no est in custu s'istatudu balint is normas chi funt in su codixi tzivili e in is leis chi pertocant custas chistionis

Casteddu, su 20 de mes'e lampadas 2013